


0 10 20 30 40 50 60 70 80 90 100 110 120 130 140 150

2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28
29
30



18 676-005
825-1

THE
LIBRARY
OF
THE
MUSEUM
OF
ART
AND
ARCHAEOLOGY
OF
THE
UNIVERSITY
OF
CAMBRIDGE

函 1 冊 字 第 20205 號

錢 田 問 年 譜

55533

1192.58
8323

史篇

○先公田間府君年譜

據桐城蕭敬孚先生鈔校本刊

注釋皆先生手筆

萬曆四十年壬子府君生祖父

先生父諱志立字爾卓號鏡水萬曆間諸生著有輔仁遺編菰蘆遜噫鸞里春音集白門任音

集卒諡敬脩先生

年四十六祖母年四十五皆垂老故生而弱多病生時祖母夢白鶴

翔於庭

癸丑甲寅乙卯府君三四歲時坐門外聽祖父與人言歸為祖母一一述之少

言笑皆以為有深心云

丙辰年府君五歲是年冬葬曾祖父府君云祖母教甚嚴少有過跪膝前良久

乃令起製布衣分諸子度歲三伯父幼安

幼安名秉鐔少與先生齊名滿歲臨

仕為不孝者賦詩謝之有侍中死晉猶羞父諸葛匡吳亦負兄之句

竊衣以出府君歸亦求衣祖母罰令跪俟追

三伯父衣至藏之始令起

丁巳府君六歲

戊午年七歲。從舅氏龍九達公發蒙。與姪因之同讀。讀論語歸於祖母前。置棹寫孟子。讀詩經。最喜葛覃黃鳥之章。如在其時。如見其景。是冬與方氏議婚。已未年八歲。

庚申年九歲。泰昌元年。冬大雪。

辛酉年十歲。天啟元年。春雪。雪深尺餘。府君是年從龍穀祥舅公。

壬戌年十一歲。春間出痘。是年習對股不能。遂罷。已忽謂祖母曰。吾似已通。可以屬文。祖母問何故。曰。吾讀左傳。皆解。吾爲文。期使人可解而已。遂爲文。

癸亥年十二歲。行文。不喜。遵常說。好作新解。其年茗水伯祖卒。有貴人過弔。聞府君能文。索觀。異之。府君原名秉鑑。

族叔祖龍山公。嘗指燈命作破。府君應聲曰。以一炬之火。並日月之明。後見子平書。有此二語。不知何以暗合。豈卽後來語識耶。

甲子年十三歲。是年穀祥去。從兄浮玉代之。時園中花事爛熳。府君以駢語禁止。摘取者。浮玉見之。訝曰。余豈能教此子耶。其冬從大伯父伯玉讀書。四川劉

未倩來。是秋其尊人用潛舉賢書。用潛從祖父受業此地。旣售。故復遣其子至也。是冬府君知爲詩。

乙丑年十四歲。與劉未倩同事。從二伯讀。心怪二伯所爲。帖括其功甚勞苦。府君不樂爲。亦不能爲也。嘗竊入藏書處。得禪師語錄。皆能解。冬祖母謂汝且完婚。大驚。語不倫。已曰。且俟入學後議之。

丙寅年十五歲。是冬完婚。

丁卯年十六歲。春間縣試。取第四名。是年二伯父入學。諸伯皆鄉試。府君隨祖父爲白下遊。寓清涼寺。有秋夜不寐詩。祖父甚喜。自此後同三伯父讀書。

戊辰里中石屋寺爲文社。是年府君始得與。每文出。中表方聖羽見之。曰。石屋一會。獨有此子。同社大怪之。已而名漸起。姑父方伯穎每會覽府君文。必嘆爲不及。是年於村塾中見戊辰稿。有金正希三十篇。大喜。袖之歸。次年艾千子乃批選行世。

己巳年十八歲。祖母病。府君私禱之神。願損己壽以延母。年夏六月。祖母沒。冬

葬祖母於宅後麥園。

庚午年十九歲。同三伯父讀書先春館。館以老梅得名。三伯慧甚。妙解文義。漸化。府君拘謹之習。是秋南園墨極盛。府君獨喜陳臥子及施仲翔作。而不善吳駿公。次年吳駿公雖元。終不以爲善也。

辛未年二十歲。府君至皖。見阮霧靈翁。阮霧靈名自華字堅之號潛宇又號霧靈山人萬歷戊辰進士著有霧靈集大爲稱許。是年秋作海棠賦。

壬申年二十一歲。是年邑人舉中江大社。六皖知名士皆在。府君與三伯與焉。首事潘次魯方聖羽也。次魯爲閣黨汝楨子。聖羽則皖髯門人。皖髯陰爲之主。以薦達名流。餌諸士。由是一社皆在其門。皖髯與余家世戚。門內人素不以爲嫌。府君鄉居。不習朝事。漫從之入社。會方密之。密之名以智號曼公後爲僧名宏智字無可號藥地吳遊回。與府君言曰。吳下事與朝局表裏先辨。氣類凡閣黨皆在所擯。吾輩奈何。奉爲盟主。曷早自異。諸因私結。數子課文。其中江社期謝不至。諸公既知有異心矣。其多府彙試。生童俱集。大鍼治酒大會社友。獨不招君。既試畢。府君往謁其

封君柱麓翁。翁語曰。子爲誰薦。府君曰。未有。翁曰。小兒云方仁植。按仁植即方孔昭以先世

連理祥號仁植事在明史列傳已薦子矣。府君曰。不知揖而出。仁植者。密之父也。已發案。府君

第一大鍼居爲己功。

癸酉年二十二歲。劉用潛爲婺源令。祖父受業門人也。遣迎祖父到任。過皖。大鍼急語之曰。今年婺源令必入閣。諸昆仲必應中一人。以報師恩。宜儘尺頭長者。且才美不愧。蓋指府君也。因密傳用關節法。祖父辭曰。此子年幼。正宜用功。吾生不作僥倖一事。寧敢以誤此子。并累使君也。其秋用潛又迎。且曰。某將入閣。署中須師炤管。祖父力辭不去。已。劉公果入閣。府君兄弟皆不中人爭惜之。祖父獨喜曰。幸甚。不墮殼中。即使徑中。不由關節。亦終爲某口實。得箝制之矣。其冬歲攷優。取第八名。案未發。文宗丁艱。移文到學。炤例給賞。有力者禁不行。仍用前案幫補。遂廢此案。

甲戌年二十三歲。是秋邑中民變既定。民變事見子遺錄府君隨祖父遊上海。過白門。謁孔玉衡相公。時猶爲南少宗伯也。冬回里。用潛期以明年入署讀書。

乙亥年二十四歲。正月流賊至桐。圍城三日。城上擊死一賊首。解去。世伯三伯偕府君東下。入上海署。會用潛得罪於郡守。揭於直指。將被論。猶為閱直指觀風卷。取包爾庚弟一。艾憲章第二。包固名士。艾則素無聞者。通邑譁然。劉公以謂府君。府君曰。若論文當居包前耳。劉公亦以為然。已知為袁君諱定者。代作也。二公皆捷丁丑。文字之有定價。若此。已劉解任。府君仍同諸伯回里。過婁東。謁張西銘先生。

丙子二十五歲。讀書龍眠山中。左碩人。

碩人名國柱。字子正。忠毅長子。崇禎歸卯。副榜授浙江武康縣。甲申。後挂冠。己

著有醒園詩。為主子直。子直名國棟。晚號眠樵。國變後。隱影不。林號鶴巖。子厚。子厚名國材。忠毅季子。甲申。後絕意。干。共事大鉞。聞之。謂祖父曰。聞公家有人。祿之學。更名櫟。別號霜鶴。又號越集。

與左氏共筆硯。必非公子也。左氏固吾世仇。吾兩家世戚。甯有此乎。祖父曰。有之。即吾少子也。彼少年甯知前事。意氣相孚。自為投契。吾輩亦焉能禁之。大鉞從此銜恨於府君矣。其秋鄉試罷。乃益為詩。

丁丑二十六歲。春賊大至。合家渡江。避烏落洲。相東鄉有烏落州。保賊退始回。五月復至。

再往。是年長子出痘。冬生次子。

戊寅二十七歲。鍵戶讀書。會方仁植以中丞撫楚。密之自楚回。邀府君至白門共事。善府君文。欲捐資授梓。聞里中賊警遽歸。復移家避舞鸞鄉。今桐東鄉有鸞保。度歲。密之往楚。留都出防亂。公揭以逐大鉞。大鉞謂密之主謀。而府君適與同事。恨益甚。

己卯二十八歲。往白門。館於葉曼仲家。陳百史姻也。是年夢遊萬花谷。花大如斗。府君科頭行吟其間。人以為瑞。乃心花開耳。自此拈題會心。落筆如意。其冬歲試卷。自謂必得首。已發案。前二名為有力者所占。置之第三。猶第一也。

庚辰二十九歲。正月入城。留龍眠山中。與三左。三左即子直。子忠。皆忠毅子。共事。是春補廩。祖父病。府君與諸伯晝夜侍藥。祖父病中吟詩不輟。猶為府君說易。今所存易學。田問易學採入。四庫全書中。是也。是年水滂圩田盡沒。喪事悉從遺命。草率以殯。阮大

鉞遣祭。其文專以詆府君。府君亦同諸伯往謝。隨作行狀。走白門。請何文端公。何文端諱如龍。事在明史列傳。為墓誌銘。三左亦承密之旨。刻桐山彙業。以別氣類。吾邑社事。

之判自此始。府君為鳳陽戴功甫相約。以次年至白門。

辛巳年三十歲。春同左子直東下。到戴館。既以讓子直。與方奕于

奕于名畿號遠青官漢中

丞治尚簡淨暇則率僚佐賦詩構半屋署西吟咏其中家人曰得無妨公事乎

公曰欲使吾為俗吏不可得也遂挂冠歸隱楊灣之舊莊莊有四松因自號四

士松居同事三十之辰。同陳同人到清涼寺。祖父舊寓也。登山巔北望。痛哭久之。

已念賊盤踞不去。親喪未葬。中夜不寐。遂辭歸卜葬。諸伯涓日有陰陽家忌。府

君曰。只得我不妨也。遂以十月葬。葬甫畢。而流賊至。凡諸殯而未葬者。俱被賊

焚。府君遂挈家至白門。賃石城門一寡婦家。居甚陋。米炭俱盡。城北友人歛錢

以濟。除夕方瞿菴。板橋雜記顧媚字眉生又名眉時人雅為南曲第一家有眉

樓余常戲之曰此非眉樓乃迷樓也人遂以迷樓稱之當是

時江南修靡文酒之宴座無眉娘不樂而尤豔顧家厨以故設筵眉娘合江右某無

日然豔之者雖多妬之者亦不少適浙來一僧父與一詞客爭寵眉娘也余時作檄

討罪云使酒罵座訟之儀少司馬見盜匿金犀酒器意在逮辱眉娘甚德余于檄

城方壘菴堂中顧登場演戲為約留京諸子張戲夜宴遂達天明府君有南徙

余壽觀此壘菴之豪華可想紀事一百韻。孫克咸。克咸名臨號武公私授之梓。貴池劉伯宗為之序。

壬子年三十一歲。移居城北。與吳鑑在後。鑑在名德操號龜客諸生南渡劉臣向

臣向名漢與田間同學同患難田間比屋而居。仍踐奕于約。為三子授經。選過

為作劉子傳著有漱岑稿過江詩江偶集。府君意直。諸子推以任事。蓋任怨也。會何文端公沒。復社公祭。屬府君

為文。其中略序朝局。以及閹黨。至今為害等語。何氏懸堂之正中。大鍼陪弔客

於此堂更衣。客必覽此數語。大鍼知為府君筆。益恨。大司馬范質公。銀臺馮鄴

仙下交。誼甚篤。先是家仲馭為南職方郎。出都時密之以同社諸子相託。府君

以衰服不往見。已職方陞文選。府君服闋。始往謁。仲馭留宿署中。談詩古文大

喜。時已報陞廣東鹽道。而仲馭以終養請相邀。不得請。則同入粵署讀書。

(未完)

○先公田間府君年譜 據桐城蕭敬孚先生鈔校本刊（續七十五期）

癸未三十三歲。仲馭請終養。得允。解任歸。府君送之。握手約東下共事。未幾聞太夫人之訃。因附方瞿菴舟與奕于同入松江。晤夏瑗公先生。臥子闇公因便

道嘉善。兩君入武林。府君遂留仲馭家。得交家爾玉爾斐彥林仲芳魏子一子存。仲馭病廬居。咯血不能讀書。府君遂由武康湖州至杭州。為昌化之遊。返寓

湖上。與奕于瞿菴孫克咸姚繩先 姚繩先名孫森號珠樹萬歷間諸生與方宮詹葉紫若輩為畫溪六俊著有可處堂集流連詩酒者兩月。與陸麗京昆仲嚴子餐昆仲范文伯沈甸華徐世臣諸子 此案

吳越間。九月盡。仍至嘉善。仲馭病起。尋前約。適吳鑑在自閩至。中道奴挈貴去。擬附府君歸。府君因勸仲馭明年并約鑑在同事。願分百金各半。與為館穀。仲

馭許之。遂同返白門。冬與同選過江詩略。先是陳默公 陳默公名焯號滌岑晚號聲叟以年少

有僉山集時以諸父行凌方直之 爾止名文天啟未諸生國變後更名一未字明 有僉山集時以諸父行凌方直之 直之名其義諸生孔炤子私諡孝節著 有僉山集時以諸父行凌方直之 有時術堂集西陵雜咏西變紀略諸書每不能堪

默公乃摘爾止詩文疵句。為小揭以悅直之。爾止聞之。知為默公也。自武林奔回。單揭直之。語甚狼籍。是時方仁植以楚撫被逮下獄。密之新第。終日泣血籲冤。事見明史孔炤傳而阮大鍼在白下。兢兢於方氏。爾止連夜刻揭。揭出即擬送大鍼直之。與默公未曉叩門。跪求救。值方蘊修大會名士。府君以直之隨造會所。拉爾止於諸公前。述其本末。責爾止報復。辭理備暢。爾止語塞。諸君子皆以府君言為然。眾議毀板不行。禍遂止。有傳至都門者。仁老見之。吐舌知為默公始禍。以責直之。直之復曰。此出某人手。某日前于蘊修大會座上。業自認矣。與默公無與。鑑在赴閩時。臨行知爾止回。必發難於二子。二子必求救於府君。慎勿以熱腸受謗。二子必相負也。已而果然。

申申三十三歲。同鑑在過揚州下嘉興。仲馭方咯血臥病。聞兩人至。驚喜而起。病亦愈。三人閉戶讀書南園。日課詩一首。分部看廿一史。府君分得晉書。三六九課雜文一篇。見燭始宴飲。一日相公過南園。曰。邸報一月不通。京師殆有變。未數日果聞三月十九之變。相率痛哭。急勸府君回。致書史大司馬及姜居之。

掌院。為早定迎立計。是時潞藩舟泊無錫。三吳人士皆以桂藩至親而遠。潞藩少疎而近。意在潞而忘有福也。府君挾諸公函至丹陽。路上遇通家劉晉仲。自留都來。云已迎立福世子監國。擇十五日即位矣。比至留都。方安人先攜子女買舟回里。府君遂寓方君則家。君則名搢。號四巖。與姚休那同館。何相國如龍家。先後十餘年。崇正壬午舉副車。不售。遂以食餼邀歲薦。復因母老。竟不廷試。優遊青山石屋之間。自稱石屋山人。即何相公宅後也。知事已定。遂匿諸函。而舊德州雷介公以艱在籍。聞府君至。邀問往三吳人情。略道其狀。介公居之門人也。因言姜史前亦主此議。馬士英先已有主。移問兩公。兩公具以此對。馬既得報。即擁福王渡江。又言姜公欲得同志者辦事。惟兩公自擇。鑑在推府君。因囑宜極密。事恐未成也。而里有二愚生。素妬府君。何氏兄弟。妄語給之。以史相公登啟事矣。其人急奔祖堂山告之。阮大鍼大鍼既已得氣。暫避迹於此。聞之語仲伯及君則曰。某為史公薦授職方。得志後期。免予一死可耳。力辨不信。府君歎曰。禍作矣。不及至家。兄為我善藏。妻子余亡命矣。仍回至嘉善。具言情事。諸公猶未信。未數日大鍼出山。大興同文之獄。而府君竟掛名於宗室。朱統顧

國朝學幸
之章。以擁戴疎藩。謀危社稷爲罪。緹騎四山。家人無處可匿。仲伯乃送之東來。府君變姓名逃吳市。聞家眷至。乃返嘉善。仲馭推南園小閣居焉。時除夕前數日也。難未發時。客於嘉定幕中。令卽錢默彥林之子也。日閱報。知且不免。求出署。默不可。欲執以獻。賴姜如須與仲馭計脫出。遂改服混吳市。遇黃石齋先生。舟過閭門。望見識之。招入舟。與談東漢諸君子之過。因言錢牧齋畢竟比爾多。讀幾年書。學問不同。府君笑曰。如此讀書。不如不讀。先生正色責之。且勸學易。遠害全身。授以所著象正。隨有大行費韞生自留都至。密語曰。捕君甚急矣。早自爲計。遂別。是時雖在難中。而制作甚多。仲馭以事入白門。相公留居息園。每讀府君詩一首。輒歎曰。才子也。

乙酉年三十四歲。家眷避居南園。府君蹤迹往來吳門雲間。而彥林宦於留都。致相公書云。仲馭以匿龍眠中。攷功法矣。相公懼。府君復徙城外之澹兜孫氏宅。會龍門陞福建道。府君送至杭州。浙撫張坤菴謂龍門曰。某在貴鄉。部文到此。行捕已一月矣。不能久捺。幸勸其遠避。龍門意欲與同往閩中。會遷光祿召

回。遂同返在杭。時於湖上舟中聚飲。忽聞隄上有喚府君字者。急出視之。里中何虞吉也。與言里門大索。族長某已被府監。期在必得。宜速遠避。府君仍走吳門。諸同難者咸在。有入高幕。有入劉幕者。劉漁仲。劉漁仲致石齋師詩扇一握。且密勸入閩。楊維斗爲畫入鄭氏幕策。未決。仍返嘉善。覓藏家處。而左兵東下。黨禁少弛。未幾北兵至。留都潰。大鉞奔金華。士英奉太后入杭州。杭人將擁監國。遣洪陳範往請和。到嘉善。高起潛舟師亦至。府君笑曰。以此請和。必不見聽。當乘此兵勢。返旆梟二豎之首。號召三吳。東南響應。堅壁以守。然後議和可耳。洪範曰。子固欲雪子怨耶。不半月北兵下。洪範望塵迎降。且爲前驅入杭矣。而吳中猶傳北已議立潞王。錢彥林知府君識洪範。乃齎金帛由劉漁仲以資洪範。欲得舟山參將。其意蓋有爲也。託府君與鑑在往。兩人亦欲借此行覲潞王也。中道見劉使背有番字記。問之。云非此不得入城。府君曰。潞王何在。曰。拘於某衙署矣。府君大驚。勸鑑在返。不信。府君見有嘉善小舟過。遂躍而上。行裝皆不顧。夜至城。云杭已屬北。潞已被拘矣。數日鑑在踉蹌而返。言閩城剃頭。幾不

得出而嘉善人。以府君有先識。貝勒在杭。以書幣聘請浙東商周祚。劉宗周。浙西徐石麟及相公四人。府君方在南湖。急棹小舟相迓。作報書。府君知之。舟中卽援筆爲千餘言。比至。相公迎語其事。府君出書以呈。相公喜曰。甚佳。母乃太倨乎。袖出仲芳一稿。婉弱已甚。欲以兩書酌取用之。府君不可。索徐公書稿。則數千言。倔強幾於怒罵矣。由是三吳鼎沸。爭建義兵。仲馭亦踴躍從事。相公輸金數千。米帛稱是。遺之書曰。吾世受國恩。義不容已。吾老矣。不能報國。成吾志者。子也。子必勉之。其夜鑑在夢。賂賓王題句其宅。知不吉。諱之。仲馭因同府君入雲間。與陳臥子徐闇公訂盟而還。以門下洪某爲將。聚兵近千人。日費百金。皆搖船人耳。土人以劉漁仲爲洪範黨。購之甚急。漁仲父奔彥林。彥林拋而駢斬之。府君與鑑在爲請葬。其首不答。是時人情叵測。轉眼卽成殺機。非擁兵無以自救。以是仲馭營於婁區。府君以舟載家從之居焉。未幾城破。義兵盡潰。相公諭解兵。仲馭不可。乃乘舟親來。仲馭先去。囑府君與鑑在守。勿動軍資甚厚。漂泊於巨湖波浪中。諸將皆有異志。陳臥子亦自松江奔至。府君請以軍實授

之。使再舉。臥子猶豫。隔一夕來。而人心變矣。臥子去。諸將盡分其所有以行。府君爭之。幾爲所殺。獨存十舟耳。府君召其紀綱。悉以授之。扁舟同鑑在至汾湖。繫於王敬哉廡。前數日。仲馭來言。往震澤。晤熊魚山。知新安兵盛。正希遣人迎魚山往矣。且言震澤安堵。橋上吹簫渡曲。不知世間有亂。急宜往尾魚山以行。舟將發。而徐闇公孫克咸亦載家至。同往震澤。蓋八月十六日也。次日仲馭鑑在留舟中。府君與徐闇公克咸棹小艇往沈聖符宅。尋魚山弟約同行。中道聞河內發一礮聲。疑之急返棹。見鑑在血被赤脚。身從水中出。迎府君招手曰。仲馭死矣。汝家俱沈。水勿用去矣。府君急奔至舟次。敵方吹角收兵。河內船盡燒燬。死人滿河。見予家船。燒存底板耳。遇舟子問之。指水曰。只在此中。敵又上岸。擊人遂奔回。與鑑在闇公克咸夜投聖符宅。夜大月。闇公忽傳信曰。賊已去。兒嫂故在某宅。府君卽覓舟奔往尋。見之則闇公夫人也。問之云。被擄上舟。過市爲市人上屋。以瓦擊賊。賊多死。棄舟赴水去。土人留此待贖。又問曾見方安人否。曰。但見某夫人某夫人同舟。實未見君夫人也。已至倪宅。問得長子。先生長子名法

祖字 遂知死難事。事詳安人狀中。方氏事見明史列女傳。次早天微明。冒雨收屍。既得安人屍。卽號曰仲馭。仲馭一夜不見。汝死矣。我在此收汝屍也。屍自死中突起。水急甚。順流而下。乃截流至岸。水與岸平。府君挽其髮。力盡不能起。又不敢放。命長兄牽府君岸下以留之。待明市人起。府君號曰此錢某也。共挽之。乃起得兩屍。小僮秋煙隨下水。挽其裾不放。遂共出焉。市人皆驚歎久之。午後收二兄屍。女不知所往。四屍在岸。撫之號泣。出血。求觀者共舉至普濟寺。仲馭主僕。自有入收殮送回。獨安人在地。遇大行沈猶龍見之。涕泣倡衆蠲資。歛錢收殮。府君遂留滯市中。克咸聞公。走太湖。取道入新安矣。克咸失去一子。聞公被殺。府君亦爲收屍。覓舟并夫人送回松江。而兵又大至。僅存一僮一婢。僮被殺。府君攜子棄柩。奔入村。望門投止。遇舊御史徐公養心。楚人流寓於此。乃屬其主人沈君佐善禮之一婢質與君佐。得八金。次早兵復至村。放掠。沈人盡去。府君投一枝菴。菴僧清源勸府君出家。而兵又至。乃奔沈聖符宅。無襪被。聖符夜薦以草。遂出汗。病亦漸愈。而聖符鄉人有自新安帶魚山家信回者。并約府君輩。大兄

爲其說所動。堅欲行。遂偕之行。至孝豐。新安已破。乃間道入昌化。昌化故舊遊之地也。有門生王曰佐。可爲主。值其下鄉。旅店不容。徘徊間。衙役陳明識之。曰得非某乎。曰然。語之故。遂以邑令意。送舊廬城隍廟暫棲。曰佐聞信。急入城。餽以衣裝。且邀府君下鄉。而邑令亦欲以其祖墓誌見委。遂留居焉。久之。署中有新安穆修。立出語府君曰。先生遂留此乎。聞路通。我助先生資。同往。遂隨穆生。行至淳安。福德源。土人揚兵遇之。以爲方兵也。縛去。幾以釁鼓。力辨乃免。至衢州。章劍威喜曰。尙在耶。此中相傳已死。可卽移與同寓。府君以穆生資我來。未能卻也。次早流寓諸公皆見過。且云關門甚緊。鄭氏恐入關者言彼家事。非有撫院批不得入。因遲疑久之。穆生曰。請卜之。關廟。府君初過孝豐時。見同行數十人。多挈家輜重。疑有變。同長子閒步關廟。甚敝。試乞一籤。示之曰。扁舟急下。浪如雷。保汝平安去。復回。次早辭衆獨先行。後者盡被掠奪殺傷。府君因信之甚固。同穆生問籤。凶不可行。穆生卽揮手別去。府君遂留劍威寓中。又數日。有徐欽玉者。覓一批約劍威。因約府君同行。復問一籤。曰。黃閣開時延故客。驪駟

應得驟康莊。指府君行也。資斧缺。欽玉時補之。既過嶺至浦城。買船下閩溪。石勢水道。皆昔年夢中所見也。至水口溪平。夜方舟放行。與同舟閒話。隔船呼曰某也。躍入舟。蓋同宗開少開少名邦邑後為僧號大錯鎮江人與同黨禍者也。因言曰。君與閩公鑑在。及徐君和被黃閣部疏薦。二徐已補官。鑑在候子同召對也。次日進閩城。信步遇鑑在叛僕。懇其示鑑在寓。得之。因與同寓。居數日。叩閣為仲馭請。卹并及三吳死事諸臣。未及方安人殉節狀。奉旨他已有旨。某妻方氏死節可嘉。該部即與議卹。隨到禮部遞呈。尚書黃錦再三駁問。府君謂似不肯覆疏也。棄之不問。已與鑑在言曰。吾見入關者紛紛以口舌得官。吾恥之不願求對。上疏求俟鄉試。奉有朝廷破格用人。既經輔臣薦舉。吏部即與試用之旨。因赴部候考。時冢宰曾公櫻也。選郎朱公永佑。其族有口者亦名流。為延平判。以墨敗。語府君曰。須有講求。今考者多乙榜。資格固在。不然且得雜職。府君笑曰。萬死來奔。猶以賄得官乎。遂考。考題二藝。冢宰大喜。置第一。鑑在第七。過堂時。太宰問入閩故。府君細述本末。太宰召至前與深談久之。蓋異數也。次日榜發。府君得

推官。鑑在得知縣。同試方蘊修得教諭。憤甚。往謁謝大宰。指府君曰。觀子才固奇士也。吉安推缺。即以相屈。奇男子須為朝廷任危疆。勿求安樂地。府君不能辭。因言方生亦奇才。置之散地可惜。太宰問之。知為方孩末子也。孩末名震。事在明史。列傳。又案孩末。仲子。惟馨。仕閩兵部司務。大兵南下。痛哭疾走南雄。委頓逆旅。咯血卒。不知與蘊修為一人為二人也。即改縣。隨補瑞昌。而

鑑在得長汀。府君即以是冬。隨江撫劉廣亂出。度歲於橫塘。次年行。未授官時。困甚。鑑在為邑舊令。章君邀去。因導府君往謁。不出。久之乃出。問曰。君來意欲得官乎。大是難事。笑談而別。出門贈以一金。既得推。值其郡有缺。鑑在曰。論資當屬錢某。隨即見過。有厚贈焉。人情固如此。是時有擬上皇帝書行在。相識者力尼之。乃止。不上。

丙戌年三十五歲。同劉撫軍出閩江。撫無署。暫假虔州道署行事。同入贛。則吉安被圍。萬督棄之去矣。府君不能赴任。劉公留之幕中。吉安破。北兵至贛。府君辭入閩。劉乃以家眷及官橐託府君攜付其弟客生。舟七艘。中道為亂兵闖截。從者倉皇欲棄舟去。府君出艙與其首領語。其將張安也。即往拜張安。張安麾

兵退。舟得全。逆流上雲都。客生在焉。聞撫軍與戰敗被獲。相對涕泣。次日有人自北兵出。接撫軍書曰。予不得死。拘於高進庫營。高吾同鄉也。善視我。我不能脫。終是一死。錢子所攜橐。以十分之一酬之。府君大笑曰。公未死。忍分其橐哉。留長子長汀署中。遂去。復進閩。至延平。延平方爲行在地。衝甚。司李缺。即補焉。奉上臺差委。無寧刻。已檄行屬縣。催積穀銀兩。八月初一。辭朝下縣。由順昌將樂沙縣至永安。惟永安有見存三千金。有江右宗室賣筭。派餉縣役。以數十金易一參將筭付。即黃蓋拜本官。用平行禮。縣令中道迎拱之。次早放告。有告此事者。即捕獲三人。懲治之。餘黨一時瓦解。宗室狼狽。出城去。回至貢川。聞延平變。府君屬縣令以見存物解赴汀州。令不肯。願與府君同齋投誠。府君知其意。變。急散吏役。從一老吏門子奔汀州。到歸化胡枋村。知汀州已破。上蒙塵矣。不能前。再遣人訊大兄信。亦不知所在。府君意長兄必隨二劉入粵。是時劉撫已逃回。與弟客生俱在汀也。遂困村中。沙縣生員羅墳等聞之。遣人迎至北鄉寨度歲。

(未完)

○先公田間府君年譜

據桐城蕭敬孚先生校鈔本刊(續七十六期)

丁亥年三十六歲。寓北鄉寨。以髮未剃。終日閉戶吟詩。時從僻徑輿入順昌橫院竹塢。居數日。又返。至秋大病。地方起兵。建甯爲王祁所破。各鄉鼎沸。府君力疾走邵武水口寨避之。而邵武兵復如麻。有稱德化王者。舉兵圍順昌。久不拔。徧訊府君所在。將甘心焉。已知即永安散筭之宗室也。吾邑有趙生培者。流落閩中。府君在歸化時見之。以同鄉邀與同寓。其人傾險相負者非一次。見府君病危。即欲分裝散去。府君不得已。以數十金贈之。又贈其兄十二金。伏枕灑泣而別。既至順昌。即投德化言。府君與今延平推官徐某善。內外陰通。德化遣人物色。見府君在牀。髮未髡。疑之。以情告府君。且曰。必往見。府君稍能起。即力病往。德化盛氣以待之。環以兵刃。府君從容與談。其人固明敏。慨然歎善。遂納交與誓盟焉。府君慮趙生誘且不已。遂復走沙鄉舊居。而沙縣已爲羅南所破。擁新建宗侯入。府君遂依宗侯以居。逃死而已。已永安爲鎮江何應祐率峒賊破掠奪無遺。婦人被掠不聽贖。邑人士知應祐爲府君同鄉。星奔沙縣。迓府君往。

府君在北鄉寨。應祐曾遣人致書。語其人曰。吾至戚也。府君初未識。不答書。又言非戚。應祐恨之。府君不知也。比至永安。方與武進龔震坐談。而應祐擁兵圍寓。直入數府君。瞋目切齒曰。子非開少弟耶。吾錢氏壻。奈何以我冒認耶。遂拔刀。刀不出室。府君曰。言鎮江則知矣。昨來者言君是桐城人。我故疑之。府君知其欲以府君爲賊黨。證據慢罵曰。少年與汝諧謔。使酒任氣。今幹成如此大事。尙作少年狂態耶。色稍和。環圍者稍稍解去。應祐遂起曰。且到我營。府君急喚輿。大張蓋以往。賊黨見之。皆延平屬邑人。曰。是故理刑也。皆起狀甚恭。應祐氣奪。府君索飯。又臥其榻。見一少年過。問爲誰。曰。予子也。良久且罵之曰。我爲爾舅父。甯不拜乎。遂拜。令輿夫送至寓。府君徐往。飲以酒。酬以筆墨。應祐喜。復過府君寓。談盡歡。留府君久住。府君唯唯。連夜出城。復至沙縣。而沙縣亂民借義兵掠奪其將領餉。詐騙府君語。新建懲治數人。其兇首羅璉。勾江西賊首劉逃。突入府君寓。盡掠所有。并縛府君。捶楚且斃。合城百姓噪呼走救。賊懼棄之而去。半夜乃甦。自病起至今。未三月三犯難事。危矣危矣。

戊子年三十七歲。順昌潰。沙縣將走。已知江右金聲桓參將郭天才入問。託辭救閩。實欲內應。破順昌。大掠而下。故不至沙縣。孝廉鄧可權謂府君。滿城皆賊黨。公不可久居。村又無容身處。且避之大田。須募兵以自衛。府君遂往大田。有唐武舉兵三百餘人。願以屬府君。而大田亂作。殺田氏一門。府君去大田。微聞江右有返正信。欲出關。此三百人願護府君至沙縣。比至。而北兵已有哨馬到城邊。賊黨盡走。邑人見馬少。且登陴出戰。可權出見府君。且留兵城外。堵截爲後勁。邑人輕進。馬追回散去。而府君兵亦潰。府君奔山伏草間。騎急追及之。草間伏者多。搜殺數人。府君得免。會大雨。騎亦返。府君迷道不能入城。隨土人行。轉走向南。去城愈遠。饑困。笥寮者數日。有姜生員物色之。贈金二兩。乃覓人送過城北舊所寓村。爲出關計。送行者亦不知路。過小村。爲土人所識。自稱本保銀匠。曾受官恩。夜讓牀宿。次早父子昇肩輿渡大水。隨者不能從矣。既至此村。其家聞信。以爲必死。方延僧作佛事招魂。而府君忽至。僧盡驚散去。府君急束裝爲出關之計。隨路義兵截路。幸髮未髻。以示之。皆放行。至和平里。爲兵主傳。

克終所留。傅敗。栖大愁嶺。不食鹽半月。由黃土隘出關。自慶曰。今日亦得離虎穴耶。至熊村。防關兵以爲亂兵。自關中回者。盡縛之。掠其貲。府君出關時。先令寫舊銜帖。卽時謁。且示以髮。百計脫免。投壽昌。販閬然大師出家。閬然命且閱藏。從關內默窺之。曰。君意中尙有未了一事。府君曰。然亡妻瀕在。吳未移。回僅一子。散失未得。聚耳。師曰。若如此。了此兩事。再來不遲。且粵東已返正矣。宜急往。府君遂至新城縣。寓黃氏老翁宅。值郭天才兵出關。是時北兵薄省城外。金王收兵入城。聽其合圍。又調郭兵皆入城。其方略不可解也。九月。見有自粵東至者。皆裹幘。始信粵事。遂結伴往。所至之地。皆紀以詩。合閩中作。刻入生還集矣。過贛州。村中遇舊識者。言丙戌秋。于贛州二劉舟中。遇大兄。始知兄果在粵也。村人言。郡中日出打糧。捉鄉民送回。每人三石。三十里內。家無粒儲。府君知其堅壁清野矣。至南雄。于太守座上。見監軍張公。以所見堅壁清野。知其請降。似爲緩師。以待南昌信也。何不以偏師出南。康綴之。而以大隊出湖東。救南昌。此路郡縣皆爲我守。義兵如雲。皆可爲前驅也。張公曰。我以君語語惠國。明早

約君來而語之。次早張公來曰。我述君語。笑曰。彼書生耳。安知兵事。出降書見示。曰。此寧僞耶。遂別。府君至韶州。遇平湖曹素臣。豪士也。許介字贈以舟。順風而下。至三水。卽轉風。逆流而上。一日卽抵端州。是時上甫自西來。駐蹕纔數日也。府君抵岸。卽令役直持字問二劉。去未久。有與役同至者。卽大兄也。言貌衣服。居然關中健兒也。相見悲喜。急往謝二劉。不復作仕宦想矣。久之。上一疏。述閩中情事。南奔所見民情兵勢。事略似蘇表。行在諸公爭傳誦之。有張鳳翼者。與府君同鄉同年。見之私語曰。須有所費。可得溫旨。府君駭曰。今日尙以賂求官耶。張曰。汝外吏也。甯無所攜。府君不答。次日果奉該部知道之旨。府君亦聽之。而隨駕相識者頗多。言諸吏部授膳部主事。先是至省時。惠國欲補府君廣州推官。府君見馭屬吏猶奴隸也。力辭之。乃免。已丑年三十八歲。是春議行考選。主持者總憲袁特丘。掌垣丁時魁。副憲劉客生。皆舊友也。時魁知府君強項。與彼有異同。乃以資俸爲言。府君在閩時。同受推官六人。三人僅存。謝玄璫。初授南陵推官。已行取入御史矣。惟府君與瓊州

推官汪蛟皆陷沒。至是始至。資俸不及。府君曰。資俸信不及矣。然我髮一日不
鬚。猶是本朝一日之官。此三年髮。獨不可以算三年俸乎。皆無語。而劉客生猶
欲進汪蛟以瓊州後破數月。實因蛟舉人也。蛟固與府君素厚。府君罵客生曰。
子論資俸乎。資格乎。汝以諸生冒受職方。無故改御史。是何資格。隨以編修兼
御史。未二年。即以詹事兼副憲。是何資俸。人方以此論汝。汝乃以此格我乎。劉
憤甚。汪蛟亦不列名。諸列名者皆邊徼外吏庸陋而已。未幾有棗陽王之封。府
君乞爲副使。以出。至廣州。刻生還。集成遊甚快。不思返矣。會上特重制誥。以詞
林無人。須慎其選。詔廷臣各舉所知。已仕未仕者。吏部同詹翰彙齊。臨軒親試。
如唐宋制科法。府君爲留守。瞿稼軒所薦。部文催還。以九月還端州。諸公始行
攷選。既已攷定。題授。上微聞當事有私。五日後復與覆試。多所更定。諸公氣乃
大沮。臨軒之舉。直遲至十二月始行事。詳臨軒恭紀及臨軒曲小注中入試時。例取詹翰大臣
閱卷。劉與焉。喜曰。錢某今且爲我門生矣。私以關節要府君。先拜門生。府君笑
卻謝之曰。使我卽出客生門。亦不敢相認。自是天子門生耳。遂入試。劉果同召。

適外間有密疏進。言詹翰皆鬻關節徇私。不可閱卷。上卽時遣出。另用兩輔臣。
府君試出。知劉之入。不知劉之出也。次早往晤同菴。忽見客生大驚。因語府君。
曰。朝廷待大臣失體。然吾弟亦以交遊受累。府君曰。君弟亦自取累耳。發榜夜。
同菴招飲。客生扶病出。憊甚。曰。兩輔臣科分深。所取不知何等人。我一片苦心。
竟成虛願。言絕而丁時魁出朝。以取定名姓列示之。劉大愧怍。

庚寅年三十九歲。開館教習詹事。黃奇遇郭之奇。爭爲教習師。郭曰。我由庶常
起家。黃固由外吏考授。豈知館中典例耶。黃曰。郭以庶常教習不成。散出部曹。
陞福建學僉。復以貪敗。南渡時。馬士英以中旨起陞少詹。實有是典例耶。輔臣
不能決。會庚關失守。上移蹕扈梧州。山陰師召府君。以十數勅。屬分給諸同館。
諭卽刻呈稿。諸君從未習此。有勉應者。皆極不合式。不得已盡爲代作。凡十一
勅呈進。師喜曰。皆出足下手耶。字字得體。卽奏上。誥勅奉屬矣。于是以庶常吉
士承乏誥勅。隨師舟行。是時朝有兩黨。吳貞毓程源萬翔郭之奇張孝起李楫
爲吳黨。袁彭年劉湘客丁時魁金堡蒙正發所謂五虎者爲楚黨。上舟次德慶。

吳黨諸公請對。盡發五虎之私。廠衛皆左右之。上震怒。遂逮五人下獄。府君隨師舟。先至梧州。除袁彭年外。四人業已就逮。龍舟且至。府君謂山陰曰。是不可以不救。五人固力參公者。臨難申救。大臣體也。師然之。府君從師跪沙濱。師曰。人少奈何。府君曰。且跪下。岸上諸臣不知所謂。亦隨而跪。上傳問何事。師奏曰。某等五臣奉旨被逮。請寬恩。多難之時。不宜行此。復傳曰。已有旨了。聽者皆起。府君猶隨師跪。觀者指爲虎黨。豈知師爲虎所索。府君爲虎所扼抑之人哉。人五

被逮本末詳在所知錄

蹕既駐。吳黨諸公爲政。起用王化澄。化澄固以貪婪爲金堡劾去者也。是時首輔回黃奇遇。亦倉卒相失。而郭之奇從必欲得教習以制府君。化澄累請上諭。俟秋舉行。而化澄遂薦其私。以禮部員外請補編修。管誥勅。府君有申明衙門典例一疏。不得請。恨甚。自是府君與山陰居然虎黨矣。會一隻虎高必正黨守素入朝。吳黨諸君郊迎犒師四十里外。悉言五虎之惡。不殺不止。山陰黨虎不去不已。謂之剿虎驅口。必正至行在。往謁者百餘人相見所言。無非此事。山陰聞之註籍。必正固劉氏同鄉。劉同菴亦遣人迓之。既至卽上同菴

舟留飯。府君適輿而過舟。問之知有客卽去。高問曰。誰耶。劉曰。舊冬臨軒所取新詞林某人也。高曰。來者一會何如。乃急招府君返。高武人不識字。性開敏妙。解情理。時劉客生扶病在坐。袁持丘亦強與席。高不識也。高遂大罵五虎壞朝廷大事。已罵山陰曰。我入朝所見。無不說此老者。府君徐曰。公見過多少人。高曰。約近百餘人。府君曰。曾見我否。高曰。未見。府君曰。則老先生所未見者。尙多。凡來見公者。皆爲罵此老而來。若我輩不罵此老。不急來見公矣。且此老何事可罵。高曰。爲其黨虎。府君笑指袁與客生曰。此虎也。虎在此。去年此時。無日不參此老。昨臨逮之時。此老若下石以報夙怨。甚易。此老不去。害他反去。救他。據公看。是好人乎。是歹人乎。高悟曰。君言是也。然被人參論。亦不是全好人。若孔子便沒人參論了。府君曰。孔子可憐。被參了一生。到齊卽被晏子參。到楚卽被子西參。伐檀削迹。厄於陳蔡。到處討人嫌。憎坐間皆笑。高曰。原來孔子也有人參。已上御龍舟。促往召對。劉遣人尾之。遇諸公於舟次。班房語聲甚厲。人回言其意色殊變。不聞他語。但聽說孔子有人參云云。皆笑曰。風轉矣。及入

對盡反其說。言五虎處治大過。山陰公忠為國。宜急召出。王化澄不可任也。又語吳黨諸臣。君宜化異為同。不必挾私報怨。吳人大失望。偶然一語中其窾。繁外人不知。山陰亦不知也。已山陰引舟遠去。高黨急追及之。適府君亦至。見高笑曰。昔聞蕭何追韓信。今是韓信追蕭何矣。高喜曰。老先生真會說話。山陰返高。遂往省金堡。贈以百金。不受。以刀瘡良藥。傅其杖痕。成相知焉。諸下獄者皆赦死。謫戍。金謫金齒衛。金所居一舟。已為錦衣張鳴鳳牽去。假息於同官蒙正。發舟。正發欲去之不得。乃暗賣與通政毛毓祺。府君過其舟。聞舟後有兌銀聲。入見之。問曰。何為。毛云。我買此舟。府君正色曰。公雖買。亦須道隱病愈始可移。毛云。我安能待。府君云。若不能待。不如勿買。將置此。君何地。公豈不為人口實耶。毛悟。即毀約。正發大怒曰。汝以我物為人情。汝是好漢。何不買舟以養道隱。府君曰。所需幾何。曰。一百廿金。毛約固在。府君即回舟。問司計者。僅存此數。悉所有。攜付正發。正發大愧。然猶匿艖二枝。曰。此值十金。在數外也。其鄙賤如此。正發去。道隱猶栖數日。曰。以予故。令蒙君無色。予不安。另買一舟。移焉。已高黨

再對。府君亦在班末。對者猶以五虎為言。對訖。上問曰。金堡畢竟是君子。是小人。三問無對者。遂退。府君次日具疏。言皇上昨以金堡為君子。小人。三問羣臣。諸臣皆虎仇也。未嘗毅然以堡為小人。則其良心不能全昧。金堡之不為小人。可知。今其身已殘廢。相隨僅一僕夫。墜水以死。金齒衛非人。可到即去。徒死於道路。是名為赦之實。仍殺之也。乞皇上更加寬恩。疏上。改清浪衛。堡後為僧號澹歸與堡同難者。大不悅。以府君為獨救堡也。自是山陰涉疑難。召府君商之。若演封之議。一年未決。業為胡執恭矯詔封秦王。演知不出朝議。屢使以請。其意必欲得秦。上意決不予秦。府君謂于秦字加一字。若與秦定秦之類。如草莽時。王號仍仿唐制。加欽命官銜於上。可乎。公欣然。即以府君議奏聞。會高必正召演使坐責之。極言本朝無異姓封王之例。遂止。而演即壞矣。一日。公語府君曰。我已為子請改編修矣。府君曰。同改者幾人。曰。獨君。我引推知例為請。府君曰。若然。又增口實。不如以隨駕為名。適得四人。俱改編修。簡命未下。而府君病暑。乃乞堂假三月。往桂林謝稼軒。晤方密之。吳鑑。在山陰亦命堅約密之入朝。府君遂

離行在而西。吳人惡府君者。思有以中之。會同腐有汪啟齡。無賴小人也。在粵西。鑑在不禮。逢府君大罵。府君爲解免。乃併怒府君。吳人問府君生平款迹。無以對。則曰。他不過鄉裏住的人耳。府君因自號爲鄉住翁。以中秋夜抵桂林。謁謝留守瞿公。晤密之鑑。在閩變以後始得晤也。而謫戍者亦止於桂林。留守終日燕集。詩酒唱和而已。張司馬同敞聞府君談。以爲迂闊。次日造寓曰。今日再來聆君迂論。次日又來與深談。張大喜躍起曰。君不迂也。因與訂交。謂己無子。僅老妻已沒。殯于淺土中。隨身者唯平生一卷詩。吾無累。此番敵至必死之。府君曰。往時朝廷以封疆付臣子。失者必死。今封疆非朝廷有也。我存一日。卽封疆一日。存死則盡失矣。君非懼死。曷從封疆起見。張曰。吾往時督陣兵敗。則我下馬堅坐。獨不去。奔者見予止復回。敵亦不敢逼。或以之轉負爲勝。頃嚴關一敗。仍行此法。奔者去不顧矣。人心已散。事不可爲。唯有死耳。唏噓久之。抽一金簪。縮府君髻。以明盍簪之誼。出絲一件。以明縞紵之交。指一童名劉勝斌曰。此吾愛僮也。以贈君。善視之。異日見之。如見予耳。因與府君遍歷山川之勝。無奇

不搜。而道隱寄居茅坪菴。其中表姚孟峽言。道隱身有僧帽。搜之果得。事見田間詩集然道隱亦日與同集。留守坐間。時嚴關報疊至。府君以爲言。留守笑曰。勿憂。我今年皆當錦旋耳。松山授我錦囊。每發無不驗。存一囊。題其面曰。庚寅元旦。啟之四字。曰。扶公榮歸。甯不衣錦歸耶。府君唯唯。心惡所有錦囊盡於此。又扶字不吉。襯亦稱扶也。兵信益急。府君辭回行。在過平樂。密之邀府君同往仙迴洞。訪隱。以常熟嚴伯玉爲地主。府君見中有屯田千戶。曰。不可居也。事變此輩必投誠。吾輩安所逃哉。遂出。送至昭平而別。至梧。不及行。在四十里。同行有舟。回曰。駕行矣。廣州失守。兵大掠。不能行。乃轉棹。仍回粵西。粵西來云。桂林已失。平樂一帶盡潰矣。急遽命泊舟上流。兵蔽江而下。蓋曹志建龍虎關潰兵也。府君舟無家眷。同行朱先民御史。以巡方復命。新娶夫人在舟。潰兵紛紛上岸。連發數矢。其在中流者遙相呼應。揮白刃以示之。先民危急。府君語曰。汝靜坐舟中。我邀上我船說之。密取十二金一封。藏諸袖。兵果先上府君舟。前後搜。問何爲。曰。尋烟喫。府君曰。舟中有烟。我空舟無家眷。不妨請進。不應。府君察其中有最

狡黠者一人。拉之進。密付以金。其人遂呼數人進。府君因曰。與聯舟者。卽按院朱老爺船也。有家眷。幸相戒勿上其船。此人遽起如言。戒飭同伍。因曰。駕往潯州。朱老爺卽追去。復命。諸君皆壯士。能護送到潯州。從駕卽爲護駕兵矣。此功不小。今日相會。大機緣也。行糧各費。皆取諸朱老爺。于諸君意如何。皆曰。善。吾輩業已無主。得從朱老爺護駕。幸甚。府君卽邀先民過舟。兵皆起拜。因與訂盟。約至梧州相候。暫以二十金爲犒資。俟寄家此地。星夜卽來。勿先發爽約。皆踴躍而去。是時朱不得府君區畫。幾不免。去後乃舍舟從陸。先民故吏。土人也。導入四圍洞避焉。府君假館於周村曾孝廉汝薦家。舟中輜重盡棄。攜生還集板寄其家。未幾地方盜賊起。先民已趨潯。其家受害。府君移居三家村度歲。聞張瞿死難信。爲詩哭之。頃之瞿壽民亦攜妾至。府君勸其奔桂林收骸骨。送之以詩。而北兵久不至。梧州城空數月。

(未完)

○先公田間府君年譜

據桐城蕭敬孚先生鈔校本刊

(續七十七期)

辛卯年四十歲。春二月。北兵至梧。復至三家村。徙入山。去城少遠。與舊蒼梧令周寒山爲鄰。遇同鄉甘翁尙立甚喜。未幾曾孝廉字來。言新來梧州道彭贖係同鄉。密之亦在其署。數日密之寄字招府君入城。云來時須僧服耳。又數日馬帥蛟麟遣官入山。以書幣邀請。合村大震。府君冒雨急避菁林中。寒山不知。帥意重賂差官。幾費百金。亦不能償。至今愧焉。尙立欲從府君歸。從間道往粵東。路遇新選懷集縣典史。肩輿過從。人皆帶刀。相遇詰問。同行人多。語多不合。遂爲典史所拘。到保長家投宿。上坐問姓。答以姓余。笑曰。恐不姓余。姓錢耳。府君曰。姓錢便何如。典史起曰。果錢爺耶。延之上坐。曰。我輩亦天朝人物。時勢至此。不得不然。因檢囊篋盡攫之以入。府君請曰。幸放我行。所有悉以相贈。但乞襍被。更得路費數金足矣。典史許諾。從者三四皆楚人。皆故識府君。知姓錢也。獨一關東劉姓者。猙獰可畏。府君遙見。尙立與細談。言府君爲彭道尊前輩。以書見招不去。昨馬帥遣官相請。又不去。今乃受此厄。典史大驚。遂不放。府君見某

色已變。急命大兄攜一襖被逸去。因謂典史曰。我知君不見放。但甘翁同行可放乎。曰。可。府君密語甘翁。棄君裝。攜我裝。中有少資。前途遇我兒。可爲資斧。甘然之。又不忍棄已裝。並攜而去。典史疑之。乃發裝。衣被爛然。從行者皆屬目焉。典史攬以去。而以甘裝付之使行。臨行。覓大兄不見。從者四路追尋。府君曰。兄不須尋。今早見君色變。已遣入梧州道尊署中矣。曰。見道尊何事。曰。君得我資。不肯放。知君何意。留小兒在彼。挂住根耳。乃與肩輿同行。至前村保長家。擔夫姓劉者。向府君問曰。君許多好行李。尙有金銀幾何。府君曰。銀不多。數百兩耳。金珠頗有。其實烏有。妄語以搆之耳。劉曰。盡在篋中耶。此人沒天理。帶爾來沒好心。今早宜逃去。府君曰。他不過解我到馬老爺處。我正要去。何必逃。因問汝得金幾何。珠幾顆耶。劉曰。他們分許多。我只分得一口刀。府君曰。君誤矣。彼楚人弱甚。昨從我者數人。甯不敢與鬪。所畏者足下耳。所有應與足下。乃盡爲彼得耶。劉憤甚。因曰。君到底宜逃。此人知君爲彭道親。不肯解上梧。於半路無人處動手。誰人伸冤。府君曰。我卽要逃。諸君追及之。到好借名動手。劉曰。誰來追。

你。我們不追。他一人能追乎。府君因與彼三人語。亦以是挑之。三人與劉語同。知可以去矣。乃命從役急飯。府君與典史大嚼飯畢。僱夫倥傯之際。目授從役。與逃入深林中。典史猶命地方搜尋。有遇之者。告以故。其人轉引入深處藏之。搜至日暮。不得。其四人果不來。遂宿地方家。次早回舊處。不見大兄。乃走梧州。彭君見府君至。急延入。密之在座。云。彭君託我作字招子。見否。何以不至。府君曰。不知意指。密之曰。帥意耳。帥意延攬。久知有君子。亦感帥之知己。容我爲僧也。始知前之差官聘請。乃實情耳。寒山誤認。乃爲重費。彭君卽欲報帥知。府君辭以離家久。思歸切。一見帥便不能遽行。懇辭乃止。因以路遇典史事語之。聞府君行後。拘典史至。盡口而資裝已化爲烏有。可惜數年著作。皆在篋中。付之水火矣。府君遂歸。中道遇大兄。同入粵東。過羊城。看曹素臣。蓋素臣以舟送府君入梧。不及進省城。而家以是被擄。今甫贖回也。袁特邱復入平南幕。聞府君至。出晤。自言無面目相見。但狂醉而已。送出嶺。至南安。附舟至吉安。舟阻。更舟至樟樹鎮。行資已盡。念閩中昔有所寄。乃改陸。趁許灣。逆流入閩。至閩。則所寄。

悉已羽化。乃留寓邵武寶蓮菴。菴僧岑伯吾鄉人也。又問西亦曾住浮山者。同住數月。兄遂受戒於問西。欲出家。府君不可。挾以回。過壽昌。值竺菴中與祖廷相見。談甚洽。府君已僧服矣。因勸府君往廬山。作字萬松坪為主人。府君曰。須送兒歸葬。妻畢。始果此願。臘盡抵江干。府君不願歸。望見家山。指路遣役送歸。俟得報。即附便舟東下。移安人旅櫬回葬耳。大兄抵家。則櫬正為諸伯父移回。而大嫂故在母家守。事見海峯文集大兄回。舉家歡喜。急遣輿返。是時四伯父若士先一年歿。候於門者二伯湘之。三伯幼安。白髮憔悴。猶著古衣冠也。相持大哭。為到家詩十二首以紀之。

壬辰年四十一歲。正月大兄入贅方氏。仲春迎回。以家付之。府君遂下蕪湖。訪諸故人。為行脚詩。蕪湖故人梓以傳。五月回。是年大旱。秋有杭州人見訪。不通名姓。府君見之。訝曰。君何與姚默仙神酷似。其人急起拜。乃默仙子姚子誠也。因哭曰。先君蒙公與方密之葬。敬來叩謝。子誠與金道隱起兵。餅竈。屢有戰獲。封仁武伯。事敗。其尊人默仙逃諸閩。又至粵。與道隱不合。乞府君薦諸密之。密

之方在平西山。講岐黃之術。默仙素精此道。得之甚喜。未幾默仙卒。密之葬之為樹碑。列府君兩人名。子誠知之。故來謝。

癸巳年四十二歲。初秋下蕪湖。遇湖南人。得同年李我貽信。遇揚州舊銓部李公。書生也。為人所給。談兵為指諸掌。府君策其必敗。又有汪願德者。僧裝。自稱台石大師。本朝官爵。位極人臣。到蕪送筍派餉。蕪湖流寓徽甯舊道余鷗翔信之。從風而靡者數十人。府君謂崑銅諸子。此妄男子也。言無一實。我固知其腳跟。君慎勿誤入其彀。其門下人厲刃欲刺府君。府君遂歸。九月難作。捕殺甚衆。崑銅亦被逮。以蹤跡疏幸免。府君在秋浦聞信。徧捕餘黨。已有騎過江浦者。疑台石怪予必見誣害。此公竟慷慨就死。一人不連。而鷗翔諸君子。竟同死焉。

甲午年四十三歲。正月。方密之回。往白鹿。名山一晤。即別。主人不留。亦因撫院請入城。意不測也。彭君自蒼梧移信陽回里。府君入邑謝之。重過龍眠。左氏山居。是時左子忠已出仕。子忠順治乙酉舉人。河間府縣丞。而子宜子原稱高尚士。碩人自武康解組歸。亦閉門不出矣。夏生家孫景。關中杜杜若相邀到樅市。問其同鄉石暎崑

客死事據實以告。事見集中石其秋復至蕪湖。賀崑銅再生。和其再啐詩。九月

到白門。晤無可於竹關。集中有白門過無可師竹關詩。是時密之已得法於天界。改字無可。閒

步雨花臺。遇姚仁武。邀與同寓數日。府君遂歸。而三伯幼安正當彌留。望府君

一面。未數日歿。是冬葬方安人於祖塋側。併葬大伯於曾祖塋。三伯與四伯亦

合葬於祖塋右。皆同日舉行。以世難方殷。上流警報口至也。

乙未年四十四歲。在麥園授諸子。及二何生經。集中有夜坐示冰冷怒飛二何

生公度子。皆穎慧。盡變其舊習。皆成名士。是冬無可奔中丞喪。出關成禮。葬畢

廬墓。邀府君往注易經。

丙申年四十五歲。春過合明。合明山在無可墓廬。其尊公有周易時論。無可欲

為訂正。府君因徧閱其藏本。擇其要言錄成一帙。時論中引據多本。諸此。而祖

父所註見易。及府君閩中所註火傳。亦因以更進一籌。夏五月。邑令石仲昭遣

人相迓至城。仲昭為暎崑兄。暎崑子來。問其父客死處。府君指示之。亦竟不往。但遣役一訪。土人不敢承。役回報以不知所在而已。姚經三。經山名文戴山民

山民名芳孫喈公。喈公名中左夏子。夏子名國鼎號諸子留說易。其秋

復至白門。寓松風閣。攜一小僮。為主人子誘之逃去。留閣候張瑤星。久之始至。

冬盡獨返新安。余大微相訂次年夏盡至白門。以兩子受業。關書定俸百金。九

月次孫晟生。

丁酉年四十六歲。六月附舟東下。其冬度歲長干寺。撫祿以九月生。

戊戌年四十七歲。過元日。即附舟回里。未幾府君遂挈予母子以下。買宅馴象

門。以野趣蕭然。又與老友胡星卿比鄰。晨夕過從。甚樂也。

己亥年四十八歲。覺浪和尚自杭州回天界。此後凡有以易解呈和尚者。皆令

送府君看取。曰。渠是作家。其著作喜府君為朗誦。自是晨夕往還。六月海艘上

城。內外戒嚴。乃上牛首。

庚子年四十九歲。元旦後一日。顧與治邀同沈仲連曾青藜陳伯璣揚商賢梅

杓司方爾止。集。集中有詩。初四日。即掛帆歸。隨入城。留龍眠數月。夏大水。冬初構

田間數椽未就。

辛丑年五十歲。將為天柱司空之遊。以避里人稱壽。秋田間草堂成。冬三伯病疫。

壬寅年五十一歲。從弟奏公為族督。族人分派已久。各自為祠。奏公獨本支祠。基為公祠。而本支各不同心。乃修吾祖下支譜。考訂淆訛。條貫井然。夏五月。蔣氏子事發。初蔣氏子以丁酉冬到余家。次年春府君歸。而見其眉宇猛鷙。同伴皆非馴良。遂令賃居樅陽。其人喜結納。與輕俠兒來往非時。酒後酣歌。鬪技勇。說江湖豪傑事。從之者益多。及是吳越間大搜伏戎。向所往來者多被獲。蔣氏慮禍且至。即欲一夕遁去。府君不可。曰若如此。則地方益駭。且待之。已而獲者死。無一言相及。事遂罷。而蔣氏疑府君意不良。遂大恨。乃盡賣所有。不告而去。而大兄異日之死于盜。皆其結納之流也。八月入城。同人為刻田間集。刻成。要府君選同社詩。是時有同聲瑟玉敦古三社。府君懲向時社事之紛爭。以起禍也。乃曰社不合。詩不可選。而中有小人。不樂於合。乃多縱蜚語於三社。曰錢某為政。某被收。某被削矣。又有小人陰使人挑之。遂大噪。會吳下明史難作。姚龍

坦急持其報以示人。曰文字禍烈至此。曷已此舉。以俟異日再圖之。府君始得辭而歸。有龍眠感懷十二首。

癸卯年五十二歲。假石屋寺讀素問。刪定傷寒八法諸書。夏大水。秋同方繡山。繡山名若挺字摺公以祖墓在邑之繡花山自號繡山老人繡山有汎舟訪錢飲光詩云五老峯頭頻問訊相期滿汎一江煙或即指此事也遊匡廬。到萬松坪。雨留三日。不得上五老峯。遂下至前川門。看上三疊而返。已至南昌。晤黎博菴陳士業。遇泉州何紫屏。老友也。相期白門再聚。蓋其姪正宰旬容。紫屏將度歲其署中。冬十月歸。水猶未落也。

(未完)

此處有極淡的印文，內容難以辨認，可能是後人添加的批註或校勘。

史篇

○先公田間府君年譜

據桐城蕭敬孚先生鈔校本刊

(續七十八期)

甲辰年五十三歲。燈節後至白門。候紫屏未至。晤周勿菴于長干寺。始知辛丑之事。海氛靖後。有冒海上將以投誠孔和尚。授總兵盧銜。借名騙害士大夫無所不至。婺源李生卽丁酉從在長干盜金者也。曾過余家。見蔣氏子深相結納。蔣贈以金。因疑其有厚積。至是以獻於孔。以府君爲地主。移文桐城縣。屬府君名下取焉。既差官登舟。其官與勿菴素交。金壇于某也。來辭行。勿菴曰。何往。具告以故。勿菴大驚。因曰。子知錢某是誰。卽子所向欲執贖於門下之西頑先生也。且已爲都門要人約入都矣。昨過此甫別。子以此回孔君可乎。于亦大驚。言於孔遂止。當是時。非勿菴禍幾不測。猶記左碩人謂府君曰。子昔壬辰冬有大難。幸免。子知之乎。皖撫李公一夕發牌到府。稱湖南遣船逆君。仰府差役協同差官前來。府已差定簽押矣。忽調前牌回毀之云。妄聽也。此府吏親向予言者。

贊君家神旺也。兩事非常奇禍。府君皆從夢中過。幸矣幸矣。頃之趙月潭來。傳家收齋甚相推許。邀往虞山。而紫屏至言收齋已易簣矣。因相約爲黃山白岳之遊。天暑不能遊。遂至新安。因晤沙縣鄧可權。勸入閩。言閩中士人皆尙見念也。紫屏亦欲結伴以行。由祁門下饒州。再過南昌。而士業已卽世矣。于李梅公座上。晤九江文燈巖。各致企慕之私。爲府君序廬山遊草而別。秋盡入閩。夜過壽昌寺。哭其天禪師。遂由邵武下延平。紫屏別府君。留廣文陳昌箕學署者數日。上建寧。主連參軍寓中。連俠士也。痛飲數日。司李姚經三復下省。直季同返延平。謁延平司理墓廬。贈以詩。葉初見意甚冷。既見詩。察府君私印有原名某。乃重見顧。謝曰。不知卽先生也。制藝爲吾兄弟誦服久矣。遂訂交。日相唱和度歲。

乙巳年五十四歲。到順昌沙縣。沙令傅君登瀛。關東人。甚見禮。遊北鄉寨。士民猶炷香以迎。己至永安。冀怡澧州人亦以重客見待。自云與府君似有夙因。每聞府君至。卽公事皆罷。臘月始返建寧。大病作。遺囑託同寓吳延牧。延牧名道新字湯日

號無齋天啟丁卯舉人崇禎末官工部主事國事變後歸隱邑某白雲巖自稱舊山隱者或稱函雲杜多著有潛德居詩文集料理後事

丙午年五十五歲。燈節後。病漸愈。欲歸。姚經三留修建寧府誌。是時建寧守缺。郡丞程姜若署事。爲主人。舊誌頗佳。續修者少冗雜。職官類如郭青螺李彭山兩司李皆不入名宦傳。當事請補之。府君曰。當更爲兩先生傳。不列諸名宦中。以見名宦傳之不足取信也。關中最重者儒戶。朱黃直蔡十數先賢之後。優免甚厚。而有他郡寓籍。亦以其姓請編入儒戶。府君不可。則請諸道將發下編入。府君曰。若徇上情。則誌非信史。經三私以謂府君。府君曰。旣以史權屬我。安能復撓我哉。由是道將及郡人多不悅。府君寤抗當事之指。得罪於數人。不敢索先賢之裔。得罪於十數夫子也。會新守至。程郡丞入覲。守固質直無文。又以人言不肯繼成其事。誌成亦不梓。府君以是冬娶歐甯徐母。

丁未年五十六歲。夏建甯誌成送府。府轉送司理姚經三攜回。今猶藏其家。府君亦以是冬攜家返里。居田間。田間本讀書所。曠無牆垣。話者又造蜚語。侈言閩中遊裝甚壯。以啟盜心。

戊申年五十七歲。六月間生一妹。秋府君渡江遊石球。出門時謂大兄曰。過秋宜移入大宅。兄曰。若移則人果疑室內多藏矣。田間門側有小書室。大兄乃自移榻其中。以護門戶。盜至破扉而入。兄罵之。縛兄進內室。搜財無所得。遂殺大兄。府君聞難奔回。控縣。縣令胡必選諱盜。囑親吏趙子元以齋醮爲名。行賂免報。府君不可。與令忤。初盜未發。門內有與兄口辨者。云我能殺汝。又私向老母問府君所藏。母不應。未數日而有此難。及捕役下鄉。緝獲數人。其家恐事且株連。乃造蜚語誣讎死者。以不死於書室。而死於內室也。爲辭捕役得之。以聞於令。而陰以教盜具。如蜚語則免。令大喜。於是盡釋盜不問。而專問死者之罪。破棺驗傷。慘毒倍至。當是時。門內人盡知其本末。府君身老。諸孫穉弱。慮其復肆害也。吞聲飲泣。是冬往來郡邑度歲。皖中交遊有氣力者。未有以一語相助也。傷哉。有傷心詩二十首。

已酉年五十八歲。邑果以蜚語雜口。詳上。督撫臬皆知是盜也。嚴駁下。郡守趙有清望。其親使吏王洪甫竊權受賄。守遂主調停之說。私謂府君子已死。非

令殺。何必以此害令。府君曰。子仇不可以不報。盜不可以不獲。至於誣讎之語。明係搪塞。盜既殺人。其語何所不至。豈有令不究盜而反據盜語以問失主罪者耶。守亦語塞。府君知府縣一氣。乃走省上控督。而有言六兄孝章之奴在其中者。孝章慮禍之及己。亦東下相隨。令知府君在省。遣其吏趙某以他事過府君。要府君回。而諸姪在家者。亦亟止府君控。控則累及孝章。府君不得已。遂止。以五月返郡。令既無所畏於上。乃以六千金賄修國禎守爲居間。臬與守向持正論。今悉反其詞。庇令以緩盜矣。審時府君忿辨。國禎辭窮震怒。亦不能加害府君。既欲報子仇。又妨姪禍苦矣。所獲盜既縱其二矣。有二盜自招刼殺。不能復縱。乃斃之獄中。以滅口。孝章奴其一也。未幾守夢冥以筆點其舌。舌腫二日而死。皖中皆言其翻舌之報。守死後。王洪甫藏私大敗。卒被收攷窮困以死。絕嗣。盜死者三人。惟盜魁未獲。則門內人夢非奴也。

庚戌年五十九歲。資力疲竭。不能伸冤。胥吏輩請作疑獄。放府君歸。而魏子存適爲湖廣學道。以書見招。府君遂舍之而去。而督駁之不已。稱貸以重賄之。乃

止。

辛亥年六十歲。買市宅於永利寺。在標巷口。宅甚敞。改建爲北山樓也。又贖西田莊十畝。四月附舟東下。弔子存於廬居。別武塘二十七年矣。哭仲馭墓。有文過南園感懷四首。老友存者。爾斐仲芳。亭彥交讓數人耳。寓慈雲菴。東房臥病。有詩百首。子存梓之。九月歸坐北山樓。不下者數月。田間易學以成。仲冬曾孫德施生。

壬子年六十一歲。將北上。以四月至武塘。寓子存涉園。子存與同入松江。哭徐復庵。感念陳臥子夏瑗公諸子。與家葆粉期先後發。既返。子存爲措路費。府君遂行。過嘉興。曹秋岳邀問天末事。以信其傳聞。過蘇州。別姜如農父子。晤魏凝叔。諫其文宜慎重。不宜輕爲人作誌傳。取道江陰。謁龔令雲石。舊永安令也。雲石留修江陰誌。府君以乙酉秋江陰死難者忠節宜紀。紀則犯當時之諱。不紀則無以慰忠魂。力辭而去。到揚州。從王家營取道泰安州。望泰山不得上。悵然賦詩。以冬初抵都門。寓增壽寺。老友則王敬哉父子嚴灝亭也。隨投宗伯龔孝

升。并其幕中紀伯紫徐方虎刺。孝升夜讀府君詩喜曰。安得此君來相唱和乎。伯紫曰。來矣。昨有刺投我。豈有不投公者乎。必門上不傳也。急查之。門簿不登。而刺故在。蓋白夢鷗阻之也。數日後。公子伯通忽過寓寺。傳宗伯意。請至榻前。夢鷗大驚。府君知其將來必肆謗也。酒間假諧謔而斥其短。蓋用溫太真制錢鳳法也。自此謗遂不行。是年度歲增壽寺。交遊應酬。頗不寂寞。舊掌垣孫北海承澤。託嚴灝亭致意。一見如舊。錄易學藏諸家。新人則徐氏昆仲。周伯衡。周致魏環溪。意府君以其要津。又非素交。終不往。此外如葉子吉。黃伯和。董方南。程蕉鹿。朱鶴門。布衣則陸翼王。朱錫鬯。嚴蓀友。孫豹人。老友顧寧人。時與聚首。留京師年餘。擯去李漁。漁爲宗伯致屏。屏皆闡秀詩。府君以大義責之。卽斥去。仍勸宗伯乞休。與談遜卦三爻爲係遜。有疾態。畜臣妾則吉。此固欲遜者而係焉。爲臣妾係也。臣妾豈樂主人之遜哉。係也者。於已則疾態。於臣妾則吉。公之事豈不猶是乎。公起曰。是也。君爲我起草。草畢。繕寫以上。次月齋奏者至。銀臺官已去。不得上而返。次日謂府君曰。兒子伯通頃言乞休。旨早下。則索負者午集。

門矣。且何以東裝。府君曰。公通籍四十年。官京師二十年。位至上卿。貧不能東裝。叫負者闢路。此千古佳語也。公首肯曰是也。乃諭齋本者必達。毋再返。本遂上。未旬日。宗伯死。白竟出遊去。不俟送。宗伯喪出城也。是時伯紫亦先回。都人亦以此短之。其送喪出城。布衣張愚山及府君兩人而已。府君生平不肯沒人善。亦不能諱人惡。不欲匿己所長。亦不掩其所短。生平行事。與世共見。無嫉妬心。亦不肯攀附人。於今時富貴泊如也。

田間先生生於萬歷四十年壬子四月二十九日。卒於國朝康熙三十二年癸酉九月初一日。此譜爲先生少子撫祿所編。起萬歷壬子。止康熙壬子。於先生六十年出處及時事。頗爲委曲詳盡。蓋趨庭之餘。多得之先生口授。或先生少時曾有日記。足備采錄也。然撫祿生順治十四年丁酉卒。於康熙五十二年癸巳。計後先生尙二十年。不知所編何以止此。今取田間詩集考之。癸丑居京師。甲寅春季至天津。又至汴及維南歸。乙卯春季至合肥。及歸德。汴梁。又至開州。邯鄲。南歸。丁巳至吳門。遊歷諸山水。回

里。己未以後三年。客吳中崑山常熟。又時返里。復遊江右。壬戌里居。癸亥復遊吳至越。甲子夏客松江。至上海。又由無錫返里。乙丑秋由秋浦至楚北。丁卯春過洞庭。達長沙。旋返金陵。至江陰。復回金陵。又由皖桐北至兗州度歲。戊辰春入京師。秋間回里。己巳夏由金陵入吳。庚午冬歸里。自癸丑以後二十餘年。蹤迹約略如是。暇時當參攷諸集。綜其癸丑以後事迹。於年譜有關。爲附錄一卷以著之。邑後學蕭穆。

